

TEZAUUR LITURGIC
6 OCTOMBRIE

ACATISTUL
SF. APOSTOL
TOMA



MOSCOVA, 2000



Ака́фист

свѣтѡму апѡстѡлу Фомѣ

Конда́к 1

Подобен: Взбранной Воеводе:

Избранный самовидче Слова и свидетелю Его славный, даже до послѣдних земли благовестил еси веру твою: «Егоже раны аз осязах, Сей есть Господь и Бог». Темже и ныне, созерцаяй нам незримая, за взыскующия веры молися, да зовѣм ти:

Радуйся, апостоле Фомо, неверием добрым веру утвердивый.

И́кос 1

Ангелом неведомое таинство познал еси, Плоть Бога жива дерзновенною десницею осязая, темже, ужасающися и дивящися, зовѣм ти:

Радуйся, яко дерзновение твоѣ Бог предувѣде;
радуйся, яко на служение Своѣ ты предустави.

Радуйся, яко неверие твоѣ не осудися;
радуйся, яко вера твоя утвердися.

Ра́дуйся, я́ко Хри́сто́с в лик апо́сто́льский тя избра́;

ра́дуйся, я́ко стопы́ твоя́ по словеси́ Своему́ напра́ви.

Ра́дуйся, я́ко уста́ ко усто́м тебе́ бы́сть Бо́жие веща́ние;

ра́дуйся, я́ко приклони́ся Госпо́дь к любопы́тнаго пёрста осяза́нию.

Ра́дуйся, апо́сто́ле Фо́мо, неве́рием до́брым ве́ру утверди́вый.

Конда́к 2

«Слова́ ва́ша о явлéнии Воскрéсшаго неудобоприятельна ми явля́ются, — вопия́ше Фома́ иным учени́ком, — а́ще не ви́жду на руку́ Его́ я́звы гвозди́нныя, и не вложу́ пёрста моего́ в я́звы гвозди́нныя, и вложу́ ру́ку мою́ в ре́бра Его́, не дерзну́ взыва́ти Сему́: Аллилу́ия».

И́кос 2

Ра́зум недоразумева́емый догма́тов ве́ры разумéти и́щуще, вопроша́ем в смятéнии: во двою́ естеству́ еди́но Лице́ како́ Цёрковь му́дрствует и воспева́ет? Оба́че неве́рием твои́м, апо́сто́ле, уверя́еми в сем, взыва́ем:

Ра́дуйся, я́ко Христо́с еди́н хле́б с тобо́ю вкуси́;
ра́дуйся, я́ко еди́но со́лнце над ва́ма возсия́.

Ра́дуйся, я́ко хле́бом исти́ны мно́ги насы́тил еси́;
ра́дуйся, я́ко Со́лнце пра́вды возлюбил еси́.

Ра́дуйся, я́ко еди́н исто́чник вы напои́;
ра́дуйся, я́ко еди́на смоко́вница ва́ма сень даде́.

Ра́дуйся, я́ко ре́ки благода́ти источил еси́;
ра́дуйся, я́ко не беспло́дная смоко́вница
показа́лся еси́.

Ра́дуйся, апо́столе Фо́мо, неве́рием до́брым ве́ру
утвердивый.

Кондак 3

«Силе Вы́шняго вся возмо́жна суть, — вопия́ше
Фома́, — мо́жет бо и умер́шия воскреша́ти, оба́че
ка́ко сме́рти приобщи́ся Сей, Ему́же подоба́ет
воспева́ти: Аллилу́ия».

Икос 3

Богоприя́тну Де́ву прозре́ младене́ц, во чре́ве
Елисаветино́м сый, мы же, о́чи иму́ще, не зрим
блага́я дела́ Госпо́дня, оба́че сло́во Христо́во,
апо́столу рече́нное: блаже́ни не ви́девшии и

вѣровавши, поминаем с надеждою, и тако сему
взываем:

Радуйся, спасения возжелавый;

радуйся, яко пророки чаянная узрел еси.

Радуйся, Адамом утраченная взыскавый;

радуйся, яко Спасителя обрел еси.

Радуйся, Светом мира просвещенный;

радуйся, яко Небо отверзется ти.

Радуйся, Слово́м О́тчим умудренный;

радуйся, яко тайны Царствия открышася ти.

Радуйся, апостоле Фомо́, неверием добрым веру
утвердивый.

Кондак 4

«Бурю внутрь имею помышлений сумнительных,
— вопияше Фома́, — како бо во гроб положен
бысть по водам Ходивый и Лазаря Воскресивый,
Ему́же аз желаю воспети: Аллилу́ия».

Икос 4

Слышаша убо пастырие Ангелов, поющих
Младенца Спаса, и, шедше, поклонишася Ему́;
мы же, уши имуще, не внемлем гласу Господню,

оба́че на твоё предста́тельство, апо́столе,
упова́ем и зове́м ти:

Ра́дуйся, в корабли́ со Христо́м ходи́вый;
ра́дуйся, по волна́м Ходя́щу поклони́выйся.

Ра́дуйся, мре́жею Христо́вою уловле́нный;
ра́дуйся, в ковче́г спасе́ния ступи́вый.

Ра́дуйся, я́ко во́ды невер́ствия не поглоти́ша тя;
ра́дуйся, я́ко бу́ря сомне́ний тя не пото́пи.

Ра́дуйся, я́ко Христо́с над бе́дною тя удержи́а;
ра́дуйся, я́ко десни́цу с я́звою ти простре́.

Ра́дуйся, апо́столе Фо́мо, неверие́м до́брым ве́ру
утверди́вый.

Конда́к 5

«Боготе́чной зве́зде послéдова́ша волсви́, —
вопиа́ше Фома́, — тако́ и аз вожде́лею сле́довати
Тебе́, Го́споди и Бо́же мой, да́ждь ми то́кмо
прикосну́тися Ти, да и аз воспою́: Аллилу́ия».

И́кос 5

Да́ры принесо́ша халде́йстии о́троцы сидя́щу на
руку́ Девичу́ Созда́телю тва́ри, мы же, ру́це
иму́ще праздно́ от дел бла́гих, ка́ко присту́пим к

Семѹ, вѣры просяще, аще не апостола Фомѹ
поминающе и тако емѹ зовуще:

Радуйся, яко Господин жатвы призва ты;

радуйся, яко в вертограде Того добре потрудился
еси.

Радуйся, яко делатель и нива явился еси;

радуйся, яко плод сторицею принесл еси.

Радуйся, яко со Владыкою дней утреневал еси;

радуйся, яко чашу Христову испил еси.

Радуйся, яко и ночь просвещение ти бысть;

радуйся, яко Господу Славы прославился еси.

Радуйся, апостоле Фомо, неверием добрым веру
утвердивый.

Кондак 6

«Проповедницы богоносни бывше волсви, —
вопияше Фома, — исповедаша Тя, Христе, яко
Спаса всех; аще убо не уверую в Воскресение
Твое, не явлюся ли и аз яко Ирод, не ведый
пети: Аллилуия».

И́кос 6

Возсия́вый во Египте́ Свет истины́ да разсе́ет,
я́ко дым, вся сомне́ния на́ша: ве́руем бо,
Го́споди, помози́ неве́рию на́шему; ты же,
апóстоле, укрепи́ свидѣтельством твоимъ зову́щия
ти:

Ра́дуйся, в сла́дость Христа́ послу́шавый;
ра́дуйся, во сла́ву Его́ поживый.

Ра́дуйся, с терпе́нием Тому́ послужи́вый;
ра́дуйся, с весе́лием за Него́ умерый.

Ра́дуйся, ра́ну Прободѣннаго осяза́вый;
ра́дуйся, Кро́вию Христо́вою искупле́нный.

Ра́дуйся, копи́ем мучи́тельским прободѣнный;
ра́дуйся, кровь за Христа́ проли́авый.

Ра́дуйся, апóстоле Фо́мо, неве́рием до́брым ве́ру
утверди́вый.

Конда́к 7

«Хотя́щу Симео́ну пра́ведному умре́ти, —
вопиа́ше Фо́ма, — вда́лся еси́ я́ко Младѣ́нец
тому́, но позна́лся еси́ ему́ и Бог соверше́нный;

сотвори́ убо, Го́споди, и мне та́ко, да а́бие
воззову́ Ти: Аллилу́ия».

И́кос 7

Но́вое показа́ Творе́ц снисхожде́ние нам, на
безсме́ртнем Тэле сме́ртныя язвы явити́
изво́ливый апо́столу Своему́, ему́же с любо́вию
взыва́ем:

Ра́дуйся, от Прему́дрости му́дрость прие́мый;
ра́дуйся, от Любве́ любви́ научи́выйся.

Ра́дуйся, у Смирéния смире́нию навы́кший;
ра́дуйся, Благо́м во бла́зе утвержде́нный.

Ра́дуйся, Терпе́нием в терпе́нии наста́вленный;
ра́дуйся, Кро́тости в кро́тости подража́вый.

Ра́дуйся, Послуша́нием к послуша́нию
приведе́нный;

ра́дуйся, Сы́ном Отцу́ усыновле́нный.

Ра́дуйся, апо́столу Фо́мо, неверие́м до́брым ве́ру
утверди́вый.

Конда́к 8

«Стра́нное чу́до ви́жду, — вопия́ше Фома́. —
Двере́м затворе́нным, яко́ дух, вхо́дит Христо́с.

Осызаю оба́че ра́ны и я́звы Его́, и что́ убо реку́,
то́кмо: Госпо́дь мой и Бог мой; что́ убо воспою́,
то́кмо: Аллилу́ия».

И́кос 8

Вси есмы́ в ни́жних и вы́шних ника́коже
достига́ем, оба́че ве́руем, я́ко обо́я соединí в
Себе́ Госпо́дь, я́коже яви́ сиé апóсто́лу Сво́ему, от
нас воспева́ему си́це:

Ра́дуйся, с четверодне́вным Ла́зарем вечера́вый;
ра́дуйся, увере́ния во и́стине ре́вно́стно
взыска́вый.

Ра́дуйся, «Оса́нна в вы́шних!» возгласи́вый;
ра́дуйся, любóвию увере́ние сиé уллучи́вый.

Ра́дуйся, воплоще́ние Сло́ва уве́девый;
ра́дуйся, ми́ром гони́мый.

Ра́дуйся, безслове́сная плóти попра́вый;
ра́дуйся, мир от Христа́ прие́мый.

Ра́дуйся, апóсто́ле Фо́мо, неве́рием до́брым ве́ру
утверди́вый.

Кондак 9

«Всякое естество тварное вместити
Божественное никакоже возмогает, — вопияше
Фома, — Ты Единый оба неслитно и нераздельно
в Себе сочетал еси, Тебе пою: Аллилуия».

Икос 9

Ветии многовещаннии ничесоже приложити
дерзают, апостоле, доброму исповеданию
твоему: Господь мой и Бог мой; за сие и от нас
приими сиевая:

Радуйся, яко ноге ко умовению Христу простерл
еси;

радуйся, яко дома на земли не имел еси.

Радуйся, яко ноге на путь мирен направил еси;

радуйся, яко обитель в дому Отчи сискал еси.

Радуйся, яко строитель царский нареклся еси;

радуйся, яко архитектон премудрый обрелся
еси.

Радуйся, яко злато нищим раздал еси;

радуйся, яко чертог Небесный царю воздвигл
еси.

Ра́дуйся, апо́столе Фо́мо, неве́рием до́брым ве́ру
утверди́вый.

Конда́к 10

«Спасти́ хотя́ мир, — вопия́ше Фома́, —
животворя́щею Кро́вию из прободённых ребр,
Го́споди Бо́же мой, напои́л еси́ вся, я́же осяза́в,
Тебе́ пою́: Аллилу́ия».

И́кос 10

Стёны Иерусали́ма Небе́снаго на двана́десяти
основа́ниях утверди́шася; я́коже еди́но от сих ты
почита́ем, апо́столе сла́вне, и та́ко ти воспису́ем:

Ра́дуйся, я́ко язы́к о́гнен на тебе́ почи́;

ра́дуйся, я́ко сла́ва Христо́ва ты осия́.

Ра́дуйся, я́ко язы́ки мно́ги просвети́л еси́;

ра́дуйся, я́ко и́мя Христо́во просла́вил еси́.

Ра́дуйся, я́ко недужных исцеля́л еси́;

ра́дуйся, я́ко ме́ртвых восставля́л еси́.

Ра́дуйся, я́ко и ду́си повинова́хуся ти;

ра́дуйся, я́ко и́мя твоё написа́ся на Небеси́.

Ра́дуйся, апо́столе Фо́мо, неве́рием до́брым ве́ру
утверди́вый.

Кондак 11

«Пѣние всякое побеждается, — вопиаше Фомá, — тща́щееся воспѣти славу Воскресѣния Твоего́, Господи, обаче сие́ возвещу́ до послѣднихъ земли́, да всякъ языкъ Истинному́ Бо́гу зоветъ: Аллилу́ия».

Икос 11

Светопріемную свещу́ зримъ ты, апосто́ле сла́вный, прикоснове́ниемъ къ обо́женной Плоти́ возжже́нную, те́мже прино́симъ ти сичева́я:

Ра́дуйся, бисере́ ризы́ церко́вныя;

ра́дуйся, вертогра́дарю́ Истины.

Ра́дуйся, ко́реню́ богосло́вія;

ра́дуйся, цвѣте́ благоче́стія.

Ра́дуйся, ро́ждіе лозы́ божѣ́ственныя;

ра́дуйся, благоуха́ние, пріятно́ Бо́гови.

Ра́дуйся, злати́це, огне́мъ очище́нная;

ра́дуйся, весно́ целому́дрія.

Ра́дуйся, апосто́ле Фомо́, неведе́ніемъ до́брымъ ве́ру утверди́вый.

Кондак 12

«Благодать и жизнь пришедый дати всякой плоти, — вопияше Фомá иным учеником, — не воздаст ли сия Подавшей Ему́ плоть? Обаче укажите мне гроб Ея́, да со слезами воззову́ Бо́гови: Аллилу́ия».

И́кос 12

Поюще Успение Богородицы, апостоли проводиша тя ко гробу Ея́, и, вшед и обрёт сей пуст, воздал еси́ хвалу́ Го́споду; те́мже зове́м ти:

Ра́дуйся, Бо́жиею Ма́терию возлю́бленный;

ра́дуйся, ко проща́нию То́ю призва́нный.

Ра́дуйся, я́ко ма́терь, Ю́ возлю́бивый;

ра́дуйся, Бо́жиим Прóмыслом удержа́нный.

Ра́дуйся, на гроб Ея́ пла́кати прише́дый;

ра́дуйся, ка́мень от него́ отвали́вый.

Ра́дуйся, ра́дость ве́лию лю́дем открыв́ый;

ра́дуйся, воста́ние Пречи́стыя возвестив́ый.

Ра́дуйся, апо́столе Фомо́, неведе́нием до́брым ве́ру утвердив́ый.

Кондак 13

О пресла́вный апо́столе Христо́в Фо́мо, ма́лое си́е приими́ от нас приноше́ние и умоли́ за ны Го́спода Сла́вы, да утверди́вшеся по́мощию твоею́, обря́щем и мы ве́ры плоды́ благи́я, Творцу́ всяческих пою́ще: Аллилу́ия.

Сей конда́к глаго́лется три́жды.

И па́ки чтётся 1–й и́кос и 1–й конда́к.

Моли́тва

О благознаме́ный и сла́вный апо́столе Христо́в Фо́мо! Егда́ на ко́нec веко́в к челове́ком прише́дый Бог избра́ тя в ученики́ Сво́я и даде́ ти вла́сть боля́щих исцеля́ти, прокаже́нных очища́ти, ме́ртвыя воскреша́ти, бе́сы изгоня́ти, тогда́ не сих ра́ди, но наипа́че любо́вию прилепи́лся еси́ ко Христу́, жела́нием вожде́лев да́же до сме́рти сле́довати по Нем. Сего́ ра́ди, а́ще попу́щением Божество́нным и не зрел еси́ со ины́ми ученики́ воскресе́шаго Спа́са, а́ще и отрече́лся еси́ ве́ровати се́му, до́ндеже вложи́ши перст свой в я́звы гвозди́нныя и вложи́ши ру́ку свою́ в ре́бра Его́, оба́че испо́лни Госпо́дь проше́ние се́рдца твоего́ и непрело́жно па́ки ве́ру твою́ утверди́. Те́мже мо́лим тя: отве́рзи нам очи́ ве́ры, да плотски́м невидима́я явля́тся

нам; подаждь нам надежду на снисхождение Божие, да отчаяние греховное не пожрет ны; открий нам блаженство любви, яже крепка есть, яко смерть, и едина возмощает над тою, да поработавше Христу на земли, воздвигнем и мы себе кровы Небесныя и с тобою и всеми святыми прославим пречестное и великолепое имя Отца и Сына и Святаго Духа. Аминь.



**ПОЛНЬІЙ
АКАФИСТНИК
КАНОНИЧЕСКІЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

НОВОЕ
НЕБО